

Sin plaun federal falombra – en Grischun fermas ragischs

Il futur da la Partida burgais-democratica (pbd) sa cumprova ussa

DAD AUGUSTIN BEELI / ANR

■ La demissiun dad Eveline Widmer-Schlumpf è stada da spetgar baud u tard. Sin questa situaziun ha «sia» partida, la pbd, pudì – u stuì – sa preparar. Dapi che la Partida populara svizra ha bittà ora ses commembers dals chantuns Grischun, Berna, Glaruna ed auters èn prest otg onns passads. Oz ha la pbd secziuns en 17 chantuns. Co ch'i va vinavant n'è dentant betg cler. Cler è ch'i dovra novas allianzas. L'istoria da la Partida burgais-democratica sa basia sin carstgauns curaschus che hajan tratg il frain envers tendenzas populisticas privlusas: Uschia resumescha il president da la pbd, Martin Landolt, ils fatgs chapitads avant prest otg onns. Il disuenter che *Eveline Widmer-Schlumpf* ha demissiunà entschaivan las discussiuns davart l'avegnir da questa partida. Las gasettas da la Bassa dubitan ch'i gartegia a questa partida pitschna da sa profilari cun success en la politica federala.

Marcà preschientscha era senza Eveline Widmer

L'anr ha dumandà l'opiniun dal cusseglier guvernativ *Jon Domenic Parolini*, l'anterioriur president da la pbd dal Grischun. L'emprim onurescha el la presaziun dad Eveline Widmer-Schlumpf. El di: «Ella ha fitg gronds merits per noss pajais e per noss chantun, alura ha ella era fatg fitg buna lavour sco cusseglier federala.» Quai stoppian era ses adversaris renconuscher. La pbd saja dal rest preparada sin il temp suenter l'epoca da nossa cusseglier federala Eveline Widmer-Schlumpf. *Jon Domenic Parolini* pren in exempl: «La



Ils exponents da la Partida burgais-democratica grischuna èn cunscients ch'i dovra ina allianza – dentant betg absolut urgent sin plaun chantunal.

LQ

pbd ha fatg sia champagna electoralala da l'onn passà sin livel chantunal e quella da quest onn sin livel naziunal senza metter en il center nostra cusseglier federala. L'anterioriur president da la pbd renda attent a la lunga istoria da la pbd Grischun. La partida existia dapi 1918 sco anteriura Partida democratica grischuna e pli tard sco Partida populara grischuna cun ina tenuta moderada. «In engaschament per sias valurs correspunda er en l'avegnir ad in basegn. Tar la damonda a *Jon Domenic Parolini* sch'i dovria anc ina pbd che battia tut suletta en la politica responda el: «La pbd sto esser, tut tenor svilup e basegn, averta per allianzas cun tut las outras forzas constructivas, senza però snajar sia derivanza.» Ins possia discuttar dad allianzas cun outras partidas, conclude el. El na vesa dentant betg sulet ina collavuraziun cun las usche-

numnadas partidas dal center. «Jau n'excludess naginas autres burgaisas che s'engaschan en blers secturs per las medemas valurs sco la pbd», è ses cussegl als strategs da la partida.

En il Grischun nagins quitads

Hansjörg Hassler è stà davent da l'entschatta in cumbattant fervent a Berna per ils interess dals ideals da la partida. Per l'avertadad e cunter il populism han manà ensemble glieud da differents chantuns. Il cusseglier naziunal partint guarda uss en il futur: «Jau quint schon ch'i vegnia pli dir per la pbd da far politica sin plaun federal. Per avair ina tscherta muntada e posiziun manca ussa naturalmain la personalitat dad Eveline Widmer-Schlumpf», manegia *Hansjörg Hassler*. Per il Grischun na fa el dentant betg quitads. En il Grischun haja la pbd in bun funs cun dus com-

members en la regenza e cun ina ferma fracciun. *Hansjörg Hassler* crai ch'i fiss in avantatg da furmar allianzas en vista a la constellaziun nova. «La dumonda è giustifitgada sch'i dovra ina pbd che fa persula politica, ed ina pcd, ina pld ed ina verd-liberal.» Sin via audia el adina puspè il giavisch da far allianzas e ch'i fiss impurtant da sa far valair meglier cun rimnar las forzas burgaisas. «A curta u lunga vista vegn la pbd a presentar ina buna schliaziun», è *Hansjörg Hassler* persuadì.

Betg unfrir l'atgna ideologia per amur d'ina fusiu

Andreas Felix, il president chantunal nov, accentuescha che l'uniun da las forzas è entant chaussa da la partida naziunala. «Sin il plaun chantunal na ves jau per il mument nagin basegn d'agir. Qua funcziuna la coerenza bain. Nus

avain ina buna collavuraziun entaifer las partidas. Impurtant èsi dentant che la pbd mantegnia sia independenza ideologica, di el ed accentuescha ch'el sco president chantunal saja obligà als votants da la pbd. Ina fusiun sistematica da tuttas forzas burgaisas saja per el ina discussiun ipotetica. L'agen profil da la partida restia impurtant. *Andreas Felix* di dentant: «Sin plaun naziunal ed entaifer la politica naziunala è la situaziun autra. Là sto la pbd vairamain tschertgar sia posiziun cun far allianzas», di il president chantunal grischun. Quai n'è dentant betg nossa chaussa da prender posiziun e d'ans maschadar en.»